
OFFERYNNAU STATUDOL CYMRU

2014 Rhif 256 (Cy. 34)

IECHYD Y CYHOEDD

**Rheoliadau Rheoliadau Citiau a Gwasanaethau
Profi am HIV 1992 (Dirymu) (Cymru) 2014**

<i>Gwnaed</i>	- - - -	<i>10 Chwefror 2014</i>
<i>Gosodwyd gerbron Cynulliad</i>		
<i>Cenedlaethol Cymru</i>	- -	<i>11 Chwefror 2014</i>
<i>Yn dod i rym</i>	- -	<i>6 Ebrill 2014</i>

Mae Gweinidogion Cymru yn gwneud y Rheoliadau a ganlyn drwy arfer y pwerau a roddwyd gan adran 23(1) i (3) o Ddeddf Iechyd a Meddyginiaethau 1988(1) ac a freiniwyd bellach ynddynt hwy(2).

Enwi, rychwantu a chychwyn

1. Enw'r Rheoliadau hyn yw Rheoliadau Rheoliadau Citiau a Gwasanaethau Profi am HIV 1992 (Dirymu) (Cymru) 2014.
2. Daw'r Rheoliadau hyn i rym ar 6 Ebrill 2014 ac maent yn gymwys o ran Cymru.

Dirymu

3. Mae Rheoliadau Citiau a Gwasanaethau Profi am HIV 1992(3) wedi eu dirymu o ran Cymru.

10 Chwefror 2014

Mark Drakeford
Y Gweinidog Iechyd a Gwasanaethau
Cymdeithasol, un o Weinidogion Cymru

(1) [1988 p.49](#).
(2) Trosglwyddwyd swyddogaethau a oedd gynt yn arferadwy gan yr Ysgrifennydd Gwladol (sef, o ran Cymru) mewn perthynas ag adran 23 o Ddeddf Iechyd a Meddyginiaethau 1988 i Gynulliad Cenedlaethol Cymru gan [O.S. 1999/672](#), erthygl 2, At. 1 ac fe'u trosglwyddwyd wedi hynny i Weinidogion Cymru gan baragraff 30 o Atodlen 11 i Ddeddf Llywodraeth Cymru 2006 ([2006 p.32](#)).
(3) Rheoliadau Citiau a Gwasanaethau Profi am HIV 1992 ([O.S. 1992/460](#)).

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn dirymu Rheoliadau Citiau a Gwasanaethau Profi am HIV 1992 (O.S. 1992/460), sy'n ei gwneud yn drosedd, yn ddarostyngedig i eithriadau amrywiol, i wneud y canlynol—

- gwerthu neu gyflenwi cit neu gydran profi am HIV i aelod o'r cyhoedd;
- gwerthu neu gyflenwi cit profi am HIV heb hysbysiad rhybudd cysylltiedig; a
- darparu gwasanaethau profi am HIV nas cyfarwyddir gan ymarferydd meddygol cofrestredig.

Yn ogystal, mae Rheoliadau Citiau a Gwasanaethau Profi am HIV 1992 yn gosod cyfyngiadau ar hysbysebion am gitiau, cydrannau a gwasanaethau o'r fath.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, lluniwyd asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn. Gellir cael copi oddi wrth y Tîm Nawdd, Sgrinio a Chlefydau Trosglwyddadwy, Llywodraeth Cymru, Parc Cathays, Caerdydd, CF10 3NQ.